

Hernani berritzeko 10 proiektu eta 20 miloi euroko aurrekontua Jaurlaritzaren 'Izartu' programara

■ 'Izartu' gainbeheran dauden inguruak bultzatzeko programa da eta Hernaniko Udalak 4.000.000 euroko (664.744 miloi pta) laguntza eskatu du Jaurlaritzara ■ Erantzuna udara pasata espero da.

UDALAK 10 proiektu eta 20.223.293 euroko aurrekontua aurkeztu ditu Jaurlaritzaren 'Izartu' programaren diru laguntza jasotzeko. Izartu gainbeheran dauden inguruak berritzen laguntzeko programa da. Hernanik laguntza horiek jasotzeko zenbait baldintza betetzen ditu, eta proiektuen % 50eko finantziakzioa lortu lezake Gasteizko Gobernutik. Programa horrek bigarrenagoz banatuko ditu laguntzak eta Iñaki Arratibelen hitzetan Hernaniko Udalak aurren eskatuko ditu aurreneko aldiz.

Udalak Izartu programan aurkezteko eskariak 'Hernani 2008' proiektuan bildu ditu, inbertsioak lau urteko epean egitea aurrikusita. Proiektuak dagoeneko martxan daude, diru eta hiru oinarri nagusi dituzte: garapen eramangarria, irribide plana eta hiriberritzea. Hirurak ere *Agenda 21* eramangarritasun planaren barruan dijoazen oinarriak dira.

Zenbakietan, 20.223.293 horietatik ia erdia ingurugiro azpiegiturak egiteko proiektuak dira (9.460.000 euro) eta bestea urbanizazioak berritu eta zenbait zerbitzu moldatzeko (10.762.000 euro).

Santa Barbarako harrobia
Izartu programara aurkeztutako proiekturik haundiena, dirutan behintzat, Santa Barbarako harrobia berritu eta aisialdi gune jartzeko da, dena 7 miloi euro pasako proposamena aurkeztu baitu Udalak. Bigarren proiektu haundiena Portu eta Floridan trenbide azpiko pasabideak hobetzea da. Obra horiek 4.434.000 euro inguru kostako lirateke.

Bestalde, Sandiusterriko



Floridako eta Portuko trenbide azpiko pasabidea konpontzea da proiektuetako bat.

JOXAN REKONDO (UDAL ALDIZKARIA)

"Erronka garrantzitsua daukagu 60 eta 70garren hamarkadetan desarrollismo garaian eta dotazio komunitario eskasekin egindako auzoetako bizi kalitatea hobetzen".

"Jaurlaritzaren laguntza lortu edo ez, auzo horiek berritzeko lanak ezin dira gehiago atzeratu. Dagoeneko lanean hasita gaude eta faseka osatzeko asmoa dugu".

zaharren egoitza haunditu eta moldatzeko ere ia 3.000.000 euro pasako proiektua aurkeztu du. Izartu programan sartutako beste proiektuak dira: Arriatsuko ingurugiro Eskola; bidegorri sarea; urbanizazioa eta zerbitzuak berritu La Cumbren eta Eli-

JAURLARITZAREN LAGUNTZA JASO LEZAKETEN PROIEKTUAK	
Inbertsio eremua: Ingurugiro azpiegiturak	9.460.782
1) Ingurugiro eskola Arriatsun	751.787
2) Santa Barbarako harrobia berritzeko plana	7.039.345
3) Bidegorri sarea	1.669.650
4) Sandiusterriko Zaharren egoitza haunditu	2.910.375
Azpiegitura ordenamendua eta berritzea	10.762.510
1) Elizatxon urbanizazioa eta zerbitzuak	585.723
2) La Cumbren urbanizazioa eta zerbitzuak	441.084
3) Sorgintxo-Latsunbeberri azera eta zerbitzuak	1.143.578
4) Elizatxon (Oriamendi) urbanizazioa eta zerbitzuak	655.613
5) Trenbide azpiko pasabideak berritu Portu eta Floridan	4.434.134
6) Irisbide plana	592.000

zatzon; Sorgintxulo eta Latsunbeberri arteko urbanizazioa; eta irribide plana. Laguntzak izango diren udara pasata jakingo da seguruen.

Hernaniren 'ahuleziak'
Gainbeheran dauden inguruei laguntzeko Jaurlaritzaren programaren harira, Udal Aldizkariak Hernaniri buruzko zenbait datu ematen ditu, Izartuk baloratu beharko dituenak. Hiru ahulezi azpimarratzen dira: 1) 1986 ezker-oz-

tik % 4,3 galdu da populazioa, EAEn halako bi, eta jendeak alde egin izana jotzen du horren arrazoi nagusitzat; 2) Bigarren ahulezia da kualifikazio falta. Herriarren % 57ak lehen mailako heziketa edo bajuagoak ditu. EAE indize hori % 54koa da; 3) Hernaniko etxeek ingurukoek baino erosotasun gutxiago dute.

Ahuleziei gain hartzeko elementu positiboak ere aipatzen dira. Nagusia da lan jarduera tasa altua. □

Aberri Eguna ospatzeko ekitaldia gaur plazan Udalbiltzak deituta

ABERRI Eguna ospatzeko ekitaldia egingo da gaur Gudarien plazan, Udalbiltzak deituta. Ekitaldia eguerdiko 12:00etan da. Bestalde, Bai Euskal Herriari plataformak Euskal Herriko Naziotasun Agiria, EHNA, egiteko deia egin du gaur eta horretarako aukera izango da 11:00etatik 13:00etara, Gudarien plazan bertan. EHNA egiteko eraman beharrekoa: 3 argazki, padroi agiria eta 10 euro. □

Apirilean 60 pertsonen eman dute odola

JOAN den asteartean 60 pertsona izan ziren anbulatorioan odola ematen. Horietatik bi odol emaile berriak izan ziren eta batek organoak ere donatu zituen. □

Nikaraguari buruzko erakusketa jarriko dute Astigarragan

ASTEARTETIK ostiralera Nikaraguari buruzko erakusketa jarriko du Astigarragako kultur etxean *Honek* Gobernuz Kanpoko Erakundeak. Ordua: aste barruan, 18:00etatik 20:30etara; larunbat eta igandean 11:30etatik 13:30etara. Ostegunean *La revolución Sandinista* bideoa botako dute, eta ostiralean *La canción de Carla* pelikula; biak 19:30etan. □

Karabel eta Landare arteko bidea itxita egongo da hiru hilabetetan, asteazkenetik hasita

UDALTZAINGOAK adierazi du apirilaren 13tik aurrera bidea itxita egongo dela Karabel eta Landare-Gureola bitartean. Udal-tzaingoak esan du Landarera joateko, Zubiondo zubi berria erabili beharko dela, Ibaiondo poligonotik barrena. □

ARALAR TABERNA
Zapa 8 - ☎ 943 33 15 06

GARMENDIA
MORTZ KLINIKA

ODONTOLOGIA OROKORRA
TXIRRITA KALEA 13-1ª EZK.
TEL.F.: 243 55 34 22

JOMERI
EDARITEGIA

Kale Nagusia, 7
☎ 55 00 32
HERNANI

Telemar
Itxastele, S.L.
Elkano 13 - 943 55 33 99 - 943 33 00 49

Telefonia mugikorrean

MOTOROLA C 353 NOKIA 3510i

Pasa zaitez MOVISTARra zenbakia mantenduta, 0 eurotik.

Apirilean ere eskaintza bereziak

Elektrogailuetan

TIEN 21
PLAN RENOVE



Aurten ere Santa Barbarako gurutz bidea izan da Aste Santuko ekitaldirik jendetsuenetakoa.

Negu giroak ez zuen federik hoztu

■ Euritan eta hotzetan, urteroko jendetza izan zen Santa Barbararako Gurutz Bidean

■ Gaurko Meza Nagusiarekin bukatuko dira Aste Santuko ekitaldi erlijiosoak.

NEGU giroak negu giro, aurt-
ten ere ehundaka pertsona
izan ziren Santa Barbarako
Gurutz Bidean, Ostiral Santu
egunean. Azken urteetan egu-
raldi bikainarekin ohituta, he-
renegun euritan eta 5-6 gradu-
ko tenperaturan egin zituzten
Jesusen Gurutz Bidearen 14
geldialdiak. Jendearen eran-
tzuna ikusita “18 urte hemen
eta oraindik ez nuen Hernani
ezagutzen” esan zuen Manuel
Odriozola parrokoak. Eta
“Hau ere Hernani da” bota
zuen gero.

Santa Barbarakoa ez zen

izan Gurutz Bide bakarra, eta
herriko hiru parroketan ere
ospatu zen ekitaldi erlijiosoa.
Juan Bataiatzailean entzun zi-
ren ideatako bat izan zen per-
sona izan nahi duenak hurkoa
izan behar duela. Aipatu zen
asko daudela Jainkoagatik
edozer egiteko pronto. Hurko-
agatik ere gauza bera egin eta
berdin jokatzearen garrantzia
azpimarratu zen.

Gurutz Bidean gerrak, hil-
ketak, gosea, injustiziak, tortu-
rak eta presoan egoera kritika-
tu ziren, besteak beste. Giza
eskubideak aldarrikatu eta “in-

darkeriarik gabeko indarrean”
sinisteko eskatzean gain, beste
mezueta bat izan zen “lasai
bizitzeko arrazoi bila ibili
beharrean, elkarri laguntzeko
arrazoi bila ibiltzeko”

Pazko Igandea gaur

Erramu Igandean hasitako
ekitaldiak, gaur, Pazko Igan-
dean bukatuko dira hiru elize-
tan egingo den Meza Nagusia-
rekin: Ereñotzuko San Anto-
nio elizan 10:30etan, Alde Za-
harreko Juan Bataiatzailean
11:00etan, eta Floridako Jose
Langilean, 12:00etan. □



Gurutz Bidean ostiralean, Santa Barbarara iristen.

DOBERA SARIA II. EDIZIOA

3.000 EUROKO DIRU LAGUNTZA

HERNANIRI BURUZKO LAN BAT SARITUKO DA:

- Banaka zein taldeka egin daiteke.
- Lana euskaraz izango da.
- Lana egiteko epea: 6 hilabete.
- Proposamenak aurkezteko epea *apirilaren 30a*.
- Agiri guztiak Dobera Elkartera bidali behar dira. (Larramendi - 11 ; Telf: 943 332799)

HITZ BITAN



Peña Otaño mus txapelketako sarituak iaz.

✓ PEÑA OTAÑO

Mus txapelketa martxan. Peña Otaño elkarteko mus txapelketa martxan da eta datorren astean bost partida jokatu-
ko dira, hilaren 15ean hain zuzen ere. Igor-Gorka/Eugenio-Gar-
mendia; Aitor-Luis Mari/Vicente-Manolo; Balantxa-Balantxa/
Enrike-Linter; Rekalde-Bilbao/Pello-XX; eta Alejos-David/
Juan Ig-Luis. Aurreko urtean, Balantxa aita-semeak irabazi zu-
ten txapelketa.

✓ MUS TXAPELKETA

Herri arteko mus txapelketa hilaren 15ean. Herri
arteko mus txapelketa apirilaren 15ean hasiko da eta aurreneko
saioa herrika jokatu-
ko da. Hernanin Garin tabernan izango da,
gaueko 21:00etatik aurrera. Izena ematea zabalik dago eta saria
afaria izango da lehenengo bi bikoteentzat. Gero, eskualdeko
fasea jokatu-
ko da Usurbilen, hilaren 17an eta lau aurrene-
koentzako izango dira sariak. □


✓ MUSIKA

Disko Festa gaur Oialumen. Gaur arratsaldean Disko
Festa eta DJ Black izango dira Oialumen dantzalekuan. Jaia
19:30etan hasiko da. □

II. URTEURRENA

Xatur Agirre Peruarena

2002ko apirilaren 10ean hil zen



Emazte, seme-alaba, anai-arreba, biloba eta
gainerako senideek, oroigarri meza eskaini nahi
diogu, eta bertara gonbidatu nahi zaituztegu
ezagutzen zenuten guztiak.

Urtebetetze meza, **gaur, igandea**, goizeko 11:00etan, Hernaniko San Joan
Bataiatzailea parroki elizan.

Hernanin 2004ko apirilaren 11an

ZERBITZUAK

☎ TELEFONOAK

►Taxiak: 943 550093
►Udaltzaingoa: 943 333288
►DYA: 943 464622
►Autobusak: 943 556662
►Anbulatorioa: 943 006666
►Jokalarri anonimoak: 943 331103

☎ FARMAZIAK

►Egunez: Bulnes
Florida auzoa
☎ 943 557738
►Gauetz: Elizondo
Andoain. Zumea 30
☎ 943 592629

IRAGARKI MERKEAK

Hernani inguruko jatetxe batean barrarako zerbitzari bat behar dugu. Ibilgailua behar
da. Deitu: 943 55 02 54 (astelehenetik-ostiralerara) edo 608 12 07 32

Iñigo Royo Masajista. Masajea, naturopatia, akupuntura, ajuste neurologiko eta berte-
brala, reflexologia, auriculoterapia,...: 943 33 28 94 - 626 80 76 33 (Sta Barbara 42)

Neska euskaldun bat behar da eguerditan bazkariak zerbitzeko, Hernanin. Interesatu-
ek deitu astelehena, hilaren 12an, goizeko 11:00etatik aurrera, 628 29 36 98.

10 urteko Ford Escort familiarra salgai. 1.500 euro. 629 76 30 41